

FAATŪMAUINA O LE LAVAPAPALE I MEA TAU TUPE I VAITAU O LE LĒ MAUTINOA

AK
HAVE
YOUR
SAY



O le faama'i koviti-19 ua aumaia le lē mautinoa ma fesuia'iga tetele i le tamāo'āiga, ma o le'ā feagai pea ma i tatou mo se vaitaimi. O nei aafiaga fa'aauau e faigatā ona vālo'ia, peita'i o le pulegānuu o Aukilani lea ua taumafai i ni auala e fa'aitiitia ai suiga o le koviti-19. O le ala ai lea o tala fa'atatau autū o le tupe. O lo'o taumafai foi ni isi la'asaga e fesoasoani i nei suiga fa'afuase'i i le tau ua tatou iai.

O matāupu nei o le lumana'i e tataua ona tatou mata'itu lelei;

- O suiga o le tau
- O aafiaga fa'aauau pea o le koviti-19
- Si'itiaga o tau mo le soifuaga
- Siitiaga le mana'omia o le tele o auaunaga
- Suiga o tulafono a le faigamālō

O ni fa'anaunaga autū ia 'ausia mai leni tala fa'atatau i le tupe o le:

- Fa'avaveina o le gaoiga o fofo mo le suiga o le tau
- Tali fetuunai mo manaomiaga vave I ni fesuaiga i le tala faatatau o tupe.
- Fa'aitiitia o otaota lafoa'i.

O matou filifiliga mo le tali atu e 'uti'uti. E tataua ona fuafua lelei ina ia umi ona fa'aauau leni fesoasoani mo le lumana'i. E ao foi ona matou ofoina atu 'au'aunaga mo tagata uma i lo tatou itumālō.

FUAFUAGA FAATA'ATIA MO LE TALI ATU - OUR PROPOSED RESPONSE

Fa'afitāuli autū 1: Ia tulimata'i pea le tali atu i suiga fa'afuase'i o le tau ua fuafua ai le fa'aaluina o le \$1.045 piliona I le isi 10 tausaga mo le fa'agasologa o galuega i le fa'aitiitia o kasa o'ona ma fesoasoani i le fetu'una'ina o le olaga. O nei vaega e aofia ai:

- Fa'aleleia filifiliga o feoa'iga mo le miliona o tagata Aukilani o le a nonofo I totonu o le 500mita mai se auaunaga fou po'o ua fa'aleleia o pasi.
- Ave'esea o kasa kapone mai feoa'iga o va'a
- Fa'aleleia o auala mo savaliga ma le fa'aaogāina o uilavilivae
- Fa'ateleina o ni la'au tetele fa'amalumalu i nofoaga o lo'o sili ona mana'omia.

Mo le fesoasoani i le totoigiina o nei mea uma, ua matou fuafua e fa'alauiloa atu le Totogi mo le tali atu i Suiga o le Tau (Climate Action Target Rate) e \$57 i le tausaga (poo le \$1.10 I le vaiaso) e fua i le tau o vaega o nofoia e tagata, ma si'itaga e fua i le tau o fa'atulagaina mo tausaga ta'itasi.

Fa'afitāuli autu 2: Ia tulimata'i le fuafuaga mamao mo le tau fa'apāleni'ina o le pa'ū i le \$85 miliona mo le 2022/2023, ma le fa'aauuina o le galuega tau fa'asoasoa o le tala fa'atatau autū o le tupe, o lea ua matou taumafai ai i nisi nei o auala e fa'afetaui ai:

- Fa'aaogāina o le tinoitupe mai le Malo e fesoasoani mo le toe fa'aleleia o suavai e tolu (Government Three Waters Reform)
- Fa'atuai ona fa'aaogā nisi o vaega tupe tau le mālō
- Fa'amālosia o le tu'uitiitia o tau e ala i le sefeina lelei ma le fa'aiti'itia o 'au'aunaga i vaega e le'o mo'omia. Ua matou fuafuaina ni iloiloga tatau e fa'aaogā, ina ia mafai ona taugofie ai nisi o nei auaunaga
- Ia tūmau pea le totoigi'iga o le 3.5 pasene na malilie ai mo le 2022/2023
- Toe taga'i i le mana'omiaga o le fa'atauina atu o le lisi mo nisi o aseta sa fuafuaina
- Fa'aaogāina tatau o aitalafu i mea o lo'o mana'omia.

O lo'o iai lava le talitonuga e telē le afaina pea fa'atupula'ia vave le tele o tupe fa'aalu. Afai ae tula'i mai lea fa'afitauli, o le a taga'i loa le pulegānu'u i le fa'amalosia atili loa o vaega ua tā'ua i luga mo le fa'apāleniina o le tala o le tupe.

Fa'afitāuli autū 3: Ina ia fesoasoani i le tu'uitiitia o otaota lafoa'i, ua matou fuafuaina ai le fa'alautelena o auaunaga ma totoigi mo otaota i vaega uma o Aukilani.

Ua matou fuafuaina e suia le auaunaga o totoigi fa'aitumalo – totoigiina o le musu e aoina mai lapisi ma tu'uina atu ai le filifiliga o lapisi eseese lapopo'a e tolu. O lenei auaunaga, ua suia ai le tulafono fa'aitumālō o iai nei o le totoigi pe'ā tiai (Pay as you Throw - PAYT) (f.t nonoa ma tagapepa). O auaunaga lautele ma totoigi nei ua laugatasi uma ai tagatānuu e lē afaina poo fea le vaega e te nofo ai. O lenei foi fuafuaga e sili atu ona fa'asaoina ai seleni nai lo le mea sa iai. O lenei fuafuaga ua atili lagolagoina ai a tatou gaoioiga ma fa'amoemoega 'ausia uma e tali atu ai i suiga o le tau.

O loo matou fuafua foi e:

- Fa'asafua atu le filifiliga poo ai nofoaga ma vaega e mafai ona o ese mai le auaunaga totoigi o otaota lafoa'i i so'ose vaega lava o Aukilani
- Fa'atele le tupe ua fuafuaina e ausia mo le fa'atupega o le aoina mai o mea'ai lafoa'i a'o fa'asolo lenei auaunaga i le itulagi.

Finagalo sa tuuina mai mo isi fuafuaga e aofia ai:

- Siitia le aofa'i o ituaiga tagatanuu ese'ese i totonu o komiti e faia fa'aiuga ma sui o pule fa'atonu, ina ia fa'aleleia atili mana'oga ma talafeauga ma tagata, nai lo le faaleleia na'o 'au'aunaga.
- O fuafuaga fa'ata'atitia lata mai mo le Pulega o le Tupuna Maunga o Tamaki Makaurau. O le vaega lenei e va'ava'aiga ma pulea Tupuna Mauga (mauga o tua'a)
O loo auai tutusa uma iai le sui o Nga Mana Whenua o Tamaki Makaurau ma le Pulegānuu a Aukilani, fa'atasi ai ma le sui filifilia mai le Tupu tama'ita'i (e lē palotaina).

O nisi o suiga o le'a faailoa mai o le fesuia'iga o totoigi mo tagata ta'ito'atasi, fa'atasi ma le totoigi o Whenua Maori.

O nisi ia o auala e fa'aali ai lou finagalo:

Mo le fa'ailoaina o lou finagalo i se mea tāua po'o se isi lava mea e fa'atatau i le tala autū o le tupe, e mafai ona e:

- asiasi ane le akhaveyoursay.nz/budget
- telefoni i le 09 301 0101 pe
- asiasi i le nofoaga tutotonu mo auaunaga o fa'amatalaga po'o le faletusi.

O fa'aiuga mulimuli o le'ā maua atu ia Luni 2022 ma le tala o le tupe o le'ā fa'ailoa atu i le aucklandcouncil.govt.nz